

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelunge Lied

Leyser, Hermann

Leipzig, 1840

XXI. Aventure

[urn:nbn:de:bsz:31-162679](https://nbn-resolving.org/urn:nbn:de:bsz:31-162679)



Wie
 Chriemhilt von Wormze schiet.

XXI. Auentiure.

Die boten lazen riten. vnt ton in das erchant.
 wie die koniginne. fore durch das lant.
 oder wa von ir cherten. ir bruder beide wider.
 si heten ir so gedienet. das sis in wuse danchen sider.

Vrloubes von ir gerte. do vil manie degen.
si moſin ſich ze Vergen. der reise hine bewegn.
do ſi wider wolten. riten an den Rin.
done mohtes ane weinen. von lieben freunden niht geſin.

Eiſelher der ſnelle. sprach zer ſweſter ſin.
ſwenne daz du frowe. bedurſen welleft min.
ob dir iht gewerre. daz too mir bechant.
ſo rite ich dir ze dienſte. indaz Ezelen lant.


Die ir ſippe waren. die chuſtes an den munt.
vil minnekliche; ſcheiden. chof man an der ſtont.
die ſnellen Burgonden. von Rodegeres man.
do fort die kuniginne. manige magt wolgetan.

Hundert vnt viere. die trugen pfawen chleit.
von genagelten richen pfellen. vil der ſchilde breit.
man forte bi den frowen. nahen of den wegn.
do nam och vrloupp Volker. der vil ſierliche degn.

Do ſi ober Ewonowe. chomen in Beyerlant.
do wrden diſiv mere. witen bechant.
daz zen Honin ſwere. Chriemhilt die kunigin.
des freot ſich ir oheim. ein biſchof der hies Pilgerin.

Inde ſtat ze Pazzowe. was er biſſchof.
die herberge wrden lare. vnt och des forſten hof.
ſi ilten gegen den geſten. of in Bajerlant.
da der biſſcof Pilgerin. die ſchonen Chriemhilde vant.

Sinem ingefunde. was daz niht zeleit.
daz ſi ir volgen ſahen. ſo manige ſchone meit.
da troote man mit ovgen. der edeln ritter chint.
vil riche herberge. gap man den edeln geſten ſint.



Da ze Pledelingen. schuf man in gemach.
daz volch man allenthalben. 3wo zin riten sach.
man gab in willekliche. des si bedorften da.
si namenz wol mit eren. als tet man sider anderswa.

Die frowe mit ir oheim. ze Pazzowe reit.
ez was den burgären. darinne niht zeleit.
daz dar chomen solde. des fursten swester chint.
si wart vil wol enpfangen. von den kooploten sint.


Daz si beliben solden. der bisscof hetes wan.
do sprach der maregrave. es enmac niht ergan.
wir muozin nider riten. inder honin lant.
uns wartet vil der degene. wande ez in allen ist bechant.

Difw märe och wiste. die schone Götelint.
si bereite sich mit vlize. gein ir frowen sint.
ir het enboten Rodeger. daz in daz dohte gnot.
daz si der kuniginne. da mite troste den muot.

Daz si ir rite engegene. mit den sinen man.
vf 3wo der Ense. do daz wart getan.
do sah man allenthalben. vil unmuoze pflegn.
durch der geste liebe. si muozin rowe sich bewegn.

Si was der nächten nahte. ze Everdingen chomen.
gnuoge v3 Bajerlande. solden si han genomen.
den rovp vf der straze. nach ir gewonheit.
so heten si den gestalten. erboten eteslichiv leit.

Daz hete wol behvetet. der edel Rodeger.
er fuerte tofint ritter. vnt dannoch mer.
do was och chomen Götelint. des maregraven wip.
mit ir fuor herrenliche. vil maniges chynen rechen lip.



Do si vber die Ervone chomen. bi Ense vf daz velt.
do sah man vf gespannen. hvetten vnt gezelt.
da die geste solden. die nahtfelde han.
von Rodegeres frivnden. wart in dienste vil getan.

Gotelint die schöne. die herberge lie.
hinder ir beliben. vf den wegn gie.
mit chlingenden zovmen. die möre wolgetan.
der antfanch wart vil schöne. liep was iz Rodegere ir man.


Di in zebeden siten. chomen vf den wegen.
die riten vroliche. der was vil manic degen.
si pflagen ritterscheste. daz sach vil manic meit.
ovch was der helede dieneft. den schonen frowen niht zeleit.

Do zo den gesten chomen. die Rodegeres man.
vil der troonzvne. sach man ze berge gan.
von der rechen handen. mit ritterlichen siten.
da wart wol zepriese. vor den frowen geriten.

Daz liezen si beliben. do grozte manic man.
vil gotlich ein ander. do forten si von dan.
die schonen Gotelinde. da si Chriemhilde sach.
die frowen dienen chunden. die musin liden vngemach.

Der voget von Bechelaren. zo sine wibe reit.
der edeln maregrauinne. was daz niht zeleit.
daz er so wol gesunder. was von Rine chomen.
ia was ir vil ir sorgen. mit grozen vreden benomen.

Do si in het enpfangen. er si hiez vf daz gras.
erbeizen mit den frowen. swaz ir da mit ir was.
mit dienste was vnmvzich. da vil manic man.
der wart den schonen frowen. mit grozem vlize getan.



Do sach die kuniginne. hie Gotelinde stent.
mit ir ingesinde. si lie niht naher gen.
daz pferit mit dem zome. zuchen si began.
si bat sich heben balde. nider von dem satel dan.

Den bisscof sach man wisen. siner swester chint.
in vnt Ekkewarten. zwo Gotelinde sint.
da wart vil michel wichen. an der selben stont.
do chpste die ellende. an der maregravinne munt.

Do sprach vil minnekliche. daz Rodegeres wip.
no wol mich liebiv frowe. deich iwern schonen lip.
han indisen landen. mit freuden hie gesehn.
mir enchunde in disen eiten. nimmer lieber gesehen.

No lon ir got sprach Chriemhilt. vil edel Gotelint.
sol ich gesont beliben. vnt Gotelunges chint.
ez mag ir chomen zeliebe. daz ir mich habt gesehn.
in beiden was unchunde. daz sider moose gesehn.

Mit zohnten zo zein ander. si sazen vf den ehle.
die gerne frowen sahen. den was da niht ze we.
ir sweriv ougenweide. braht in hohen mvot.
den wiben sam den mannen. als ez noch vil dicke tvot.

Man hiez den gesten schenchen. ez was wol mitter tac.
daz edel ingesinde. da niht langer lac.
si riten da si fonden. vil manige hotten breit.
da was den werden gesten. vil groziv wirtschafft bereit.

Die naht si heten rowe. vnz an den morgen fruo.
die von Bechelaren. bereiten sich dar zwo.
wie sie behalden solden. vil manigen werden gast.
wol het geschaffen Rodeger. daz in vil wenich iht gebrast.

Div venster an den mooren. sah man offen stan.
div gvote Bechelaren. div was vf getan.
dar ine riten geste. die man vil gerne sach.
den het der wirt vil edele. schaffen richen gemach.

Div Rodegeres tohter. mit ir gesinde gie.
da si die koniginne. vil minneklich empfie.
da bi was och ir mvoter. des marcgraven wip.
mit liebe wart gegreiset. vil maniger ivncfrowen lip.


Si viengen sich bi henden. vnt giengen dan.
in einen palas witen. der was vil wolgetan.
da div Evonowe. vnden hine vloz.
si sazzen gegen dem lofste. vnt heten churcewile groz.

Wes si no mere pflegen. des enchan niht gesagn.
daz in so vbele zogete. daz horte man do chlagen.
die Chriemhilde rechen. wandez was in leit.
hen was guter degene. mit ir von Bechelaren reit.

Vil minneklichen dieneft. der marcgrave in bot.
do gab div kuniginne. zwelf pouge rot.
der Gotlinde tohter. vnt also gvot gewant.
daz si niht bezzers brahte. indaz Etzelen lant.

Swie ir genomen wære. der Nibelunge golt.
alle die si gefahen. die machte si ir holt.
noch mit dem chleinem gvote. daz si da mohte han.
des wirtes ingesinde. wart michel gabe getan.

Da widere bot do ere. div frowe Gotelint.
den gesten von dem Rine. so minnekliche sint.
daz man do der fremden. harte wenich vant.
sine trogen ir gesteine. oder ir vil herlich gewant.



Do si enbizen waren. vnt daz si solden dan.
von der hoeffrowen. wart geboten an.
getriwelicher dienest. daz Etzelen wip.
do wart och vil getrotet. der schonen iunefrowen lip.

Si sprach zer kuniginne. swenne ouch nu dunchet goot.
ich weiz wol daz iz gerne. min lieber vater tvot.
daz er mich wo ziv sendet. in der Hunin lant.
daz si ir getriwe wære. vil wol daz Chriemhilt ervant.


Die ros bereitet waren. for Gechelaren chomen.
och het die kuniginne. vrloupt nu genomen.
von Rodegeres wibe. vnt von der tochter sin.
do schiet och sich mit grooze. vil manic schone magedin.

Ein ander si vil selten. gefahen nach den tagen.
vzer Medeliche. of handen wart getragen.
manic golt vaz riche. dar inne braht man win.
den gesten of die straze. vnt bat si willechomen sin.

Ein wirt was da gesezen. Astolt was der nant.
der wiste si die straze. nider in Osterlant.
gegen Motaren. die Eonowe nider.
da wart vil wol gedienet. der richen kuniginne sider.

Der bisschhof minnekliche. von siner nisteln schiet.
daz si den kunic becherte. wie vast er ir daz riet.
vnt daz si ir ere chovste. sam helche het getan.
hen was si grozer eren. sit da zen Hunin gewan.

Zwo der Erensem brahte. man die geste dan.
ir pflagen vlyzekliche. die Rodegeres man.
vnze daz die Hunin. riten vber lant.
do wart der chuniginne. vil michel ere bechant.



Si der Trenssem hete. der konic von Hunin lant.
eine burch vil riche. div was wol bechant.
geheizen Trenssemovre. frow Helche saz da e'.
unt pflach so grozer tugende. deiz wetlich nimmer mer erge.

Ezen tate danne Chriemhilt. div also chonde gebn.
si mohte nach ir leide. daz liep vil wol gelebn.
daz ir iahen ere. die Etzelen man.
der si sit grozen vollen. bi den helden gewan.

Div Etzelen herschaft was so wit erchant.
daz man zallen eiten. in sime hofe vant.
die aller besten rechen. von den ie wart vernomen.
vnder kristen unt vnder heiden. die waren gein der brote chomen.

Si im was zallen eiten. daz wätlich mer erge.
kristenlicher orden. unt och der heiden e'.
inswie getanem lebene. sich ieslicher tvor.
daz schvof des kuniges milte. daz man allen gap genvoch.

